

Despues di e mantenimiento grandi na un di nos monumentonan

Dia 22 di september lo haci entrega oficial di Stadhuis



ORANJESTAD (AAN): Despues cu e proceso di mantencion grandi di nos Stadhuis a inicia den luna di december 2013, awor ta asina leu cu dia 22 di september lo haci entrega di e monumento aki completamente restaura.

Minister Otmar Oduber, encarga cu Cultura, pero tambe cu Turismo, ta di opinion cu e edificio aki ta uno hopi importante pa loke ta nos herencia cultural, pa nos mesun hendenan y tambe pa un mercado cu ta creciendo continuamente, esun di parehanan cu ta elegi Aruba pa casa.

Diario. - (diamars 2 september 2014). p. 3

E edificio aki ta data di 1925 y e ta un proyecto cu tabatin basta aña cerca Monumentenbureau. E ta e promer proyecto cu nan mes a pinta, pasobra normalmente nan tabata duna e proyectonan na arkitectonan.

Ta trata di un proyecto basta grandi y un mantencion hopi grandi cual a worde otorga na Van Kessel en Havenbouw NV pa e suma di 672 mil Florin cu tabata bou di nan raming y a cumpli cu tur e rekisitonan di e bestek.

Minister Oduber a menciona cu e cas aki a worde renova

hopi aña pasa, despues di a conoce como un di e ruinan an mas notabel den centro di ciudad. “Awe mi ta kere cu e ta net lo contrario, e ta un di e beyezanan monumental cu ta existi den centro di ciudad”. Finalizando e mandatario a indica cu e trabaonan mester a bay poco poco mirando cu ta trata di un monumento y como tal mester di tin tur e cautela necesario, pero awor ta asina leu cu dentro di algun dia Aruba henter y nos bishitantenan por disfruta di un beyeza di monumento completamente renova.